

**2017
LOTHA**

Total marks : 80

Time : 3 hours

General Instructions :

- i) *Approximately 15 minutes is allotted to read the question paper and revise the answers.*
 - ii) *The question paper consists of 22 questions. All questions are compulsory.*
 - iii) *Internal choice has been provided in some questions.*
 - iv) *Marks allocated to every question are indicated against it.*
- N.B:** *Check that all pages of the question paper is complete as indicated on the top left side.*

SECTION - A (Ekhaao)

1. Oküpoe erani elio shi khæ zesi engao jiang janlana:

Nkolo orae ekümrüm tona kyon to ün-pyontathüng kyon nchyua na eloe nchyua soa vancho. Osi ompoe na otsoe eloe nchyua, epoe nchyua to vancho. Hoji süi jo eloe ji chücho, tole enhünga ha epoe jina eloe ethan echü echong soa vanlancho. Tole eloe ethamvü jina eloe ehenvü ji tsoe oni ji elümoto khangshi ntsonshia ekümcho. Osi nchoka tsüngon no jo ngaro oni thüngi heto ezochö, “Nchüngo oli nhyako votakhe; ana engakvü etsoyu nini hantokvü ka oki tiyitakhe”, to ezoa votokcho.

Tole eloe ethamvü jina ngaro oni thüngi engakvü otsi kilato honochü, wokochü, zhürochü, makvüeran to tae nkhüpi hantokmongcho. Hoji tsükona ngaro ji onina engakvü oyo ethamvü na etsoyu hantoko jiang otsi kilato nchümta lanphei zetasilia si, si to tsüngon songa hojito tsocho. Hoji sülo jo ngaro ji onina echümchüm na jo kyon etsoyu lan jiang in-chümchev orae evamo ekümrümo etsoyu, tshüngthilonben, ponghantzü osi etsoyu thanpo to jiang tsota vancho. Tole nchoka tsüngon no jo opo na otsi nkhüpi hansi owo ngaro jiang pilo wocho, “ana otsi nini hanyichoka oyi tsotalo” to nzana tsale ngaro onina opo thüngi ezochö:

“O...Apo eyo enhüngo kyon etsoyulan ün-chümchev yakso küma yia ka”, to ezoa yakso ekhü, khüa yakso kümkhana yiracho. Hoji süi jo opona elümoto nüngra, oni thüngi heto ezochö; toka ninina yakso, küma yina oyam na müngthan – mungri, emong chephia oyam hümoli, tenjü – mojü roe tsota yitakhe to ezokata yitokcho. Hoji tsükona enhünga ejan yakso na müngthan – müngri, emongo jo kyon li chiro tenjü – mojü jiang roe tsoa woala to motsü rüta la.

Engao shiang janlana:

- | | | |
|-----|---|-------|
| (a) | Eloe ehemo jjo otsoe nchyu kvüta vancho la? | 1 |
| (b) | Otsoe jiang jo eloe alo eboe vancho la? | 1 |
| (c) | Eloe ethamvü jina ngaro jiang kvüto zeyata vancho sana erana. | 1 |
| (d) | Eloe ethamvü jina etsoyu hantoko jiang ümhona erana. | 1 |
| (e) | Ngaro eni jina ntio etsoyu tsota vancho la? | 1 |
| (f) | Opo na ntio etsoyu hansi owo picho la? | 1 |
| (g) | Ngaro jiang na ntio kvüto opo ezotacho la? | 1 |
| (h) | Opo na ngaro jiang kvüto ezokacho sana erana. | 1 |
| (i) | Motsü shilona yitsüing esutao jiang yani erana: | 1+1=2 |
| | (i) Tsüka | |
| | (ii) Tssoria | |

SECTION – B (Eramo)

2. **Oküpi pi elio shiang onilo motsünga ethüing, yitsüing 100 -150 harüma na erana :**

- a. Nina vana evamo yantsüro jilo zotoro emongpvüi jiang na onte etancho emongtao ji tsükona tsatso mori elümoto ntoka vamo jiang tsükona yithen kako etsüingpvüi thüing yiyenta kako erana. Shikvü osi elan nsüingrui elio jiang phana emongvü tsukona osi kvuri eyok hansi emongvü tsukona theta erana.

Mekana

6

- b. Nino khaphen motsüngalo okhe thükdüing (basketball) esopvüi nchyu osi ntena Naga liphongtsü lo merangalo wotao ji ntena kvüto nlanzüing votasi khuritasi yicho sana nte khapheni yithen kako lo theta erana.

3. **Oküpi pi elio shiang onilo motsünga ethüing, yitsüing 50 harüma na erana :**

- a. Nipo ha niyo oni vantasi nzyü 25 ebemo ji tsukona nte woban osi ni shom jiang khümshüm jilo oro ethev tsukona etssa kako erana.

Mekana

4

b. **Ekhiranta:**

Ni tona ni shom to yutalo internet tsütsao ji ümmhon osi ünmmhon tsukona Ekhirantacho oyi elonta erana.

SECTION - C (Yinsanlan)

4. Janlan pie elio jiang lona elamo ji erana :

- (a) “Ombo a süloti taro nkyakcho.” Shi lo machungyi jo. **1**
(i) Ombo (ii) Süloti
(iii) Taro (iv) Nkyakcho
- (b) “Apo na yantso a picho.” Shilo lhitssoyi/tssoyioyi jo. **1**
(i) Na (ii) Yantso
(iii) A (iv) Picho
- (c) Kyong yina Jikanika to etsao ji Etsüi yina jo. **1**
(i) September (ii) August
(iii) October (iv) June
- (d) “Olani rümphä wotav ka lo”. Shi jo. **1**
(i) Etsyukao eyieton (ii) Nüngkao eyieton
(iii) Etovo eyieton (iv) Engao eyieton
- (e) Onte no _____ vanala? (Tepfüyi khi pyingtoka) **1**
(i) Hebi (ii) Shilo
(iii) Ün (iv) Kvülo

5. Ejüangi elio shiang nzanchi verb khi pyingtoka:

- (a) Ete _____ meta nzamü lia. **1**
(b) A na oha ji ejümka _____. **1**

6. Yiren pi elio shiang yitsunga tae na janlana:

- (a) Eloë eranküm yanpithang. **1**
(b) Ejen ni na sonhyao ji. **1**

7. Yitsüing “elana” shina yichak eni pia yiren nsüingrüa. **2**

8. Shiang erhüyi (indirect speech) küntoka:

- (a) Ombo na phycho, “Eng ji na engrhelamoe na rheta la”. **1**
(b) Ombo na phycho, “Ana shi ekhyo tssov”. **1**

9. **Ejüangi elio jiang lo ekvüzhüi pio jiang khi Tense elamo tvü kümtoki pyingtoka.**
- (a) Ojyua jo ete na shilo na _____. (sanrhyua) **1**
- (b) Ojü ji sunga _____. (elaka) **1**
10. **Yiren shiang Kyong yina khophia :**
- (a) My father bought a new car last week. **1**
- (b) Listening is as important as speaking. **1**
- (c) What did you do yesterday? **1**
- (d) He likes helping old people. **1**
- (e) Get out of the way! **1**

SECTION – D (Eranntolan)

11. **Engao shiang akvülo elamo ji ethüangi janlana:**
- (a) Zükhümüki yan jo. **1**
- (i) Azüm ümmhorü ji ekyu lona pyoncho
- (ii) Echü vara lio ji tsükona pyoncho
- (iii) Ranphan na ümmhorü ji lüngthalo ewoji tsükona pyoncho
- (iv) Ojü ümmhom ünlio ji tsükona pyoncho
- (b) Elhi etssoe olan mezhüoto jiang jo _____. **1**
- (i) Nzanchipvüdea (ii) Lijonden
- (iii) Nsüngrüden (iv) Hanphihanriden
- (c) Pikhü yichak jo _____. **1**
- (i) Oyan epi (ii) Bhari epi
- (iii) Chaklanchi (iv) Epitsüo ji
- (d) “Erontong etssov jo etsho woro thüangi ümyania” to ephyo ji jo. **1**
- (i) Lümepük ün liten (ii) Elhi ünsan na etssoeten
- (iii) Tssoshütssori osi harongten (iv) Elhi ümmhona etssoeten
- (e) Chungiyi yi “Otsoe okharo chücho” jilo ngaro ji khi okhe rümicho: **1**
- (i) Müktsü opong (ii) Müktsü
- (iii) Senthän (iv) Senthän opong

Oküpoë engao shiang yitsüing 20 – 25 harüma na janlana:

- 12. Kharakkhapi nyanchethüing jo opyim jo kvütoli nsüingrücho la? 2
- 13. Tssopelak ji phechev tsükona kyon jina ntio choncho la? Kyon jijo ntio lo ümphoa vancho la? 1+1=2
- 14. Ntio kvütolyui chüo jiang esilo thecho la? 2
- 15. Pikhüchak yichak jo ntio ta? 2
- 16. Wokha to tsao jilo ntio jücho to eranpvüo ji na nchumcho la? 2
- 17. Loroë jina ntio tsükona opoang thüing yivon ünpihüingcho la? 2

Oküpoë engao shiang yitsüing 40 – 50 harüma na janlana:

- 18. a. Elhe etssoë olan jiang jo ochoang la? Onteno ete tsükona ntio elhi tssola?
Ntio tsükona onte no elhi etssoë olan ovüingö eni jiang nthëv jo ontentssochecho la? 1+1+2=4
- Mekana**
- b. Kyong tokhü tsüingkyim opvü jiang hüingrüi na eroroa. (4)
- 19. Pofü ji kvüta ümmhoncho to khensöë ji na epia vancho sana ümmhona eroroa erana. 4

Oküpoë engao shiang yitsüing 60 – 90 harüma na janlana:

- 20. a. Nkolo ntsinranche jiang jo kvütolyui ochüm tssöë sichö la? Enhunga ete ntsinranche jo kvütolyui nkolo ntsinranche lona ümmhonkacho la? 2+3=5
- Mekana**
- b. “*Kyon khyingroe jina potsow lroe ji yingkhi chongi thei hansiyani yia vancho!*”
 - (i) Ovüingö to tssöa potsow lroe jina ntio kumcho la? Osi kvütolyü kümchöla. (1+2=3)
 - (ii) Konken jina lroe ji ekümo ji motsü ji hungri na eroroa. (2)
- 21. “*Echü kilasi supen rhonkacho to, Ntung kitsücho to, elani Rhupen eki to chüa tsayila!*”

*Ralo yutso jontani ezao ha chiia kila,
 Enungngi tshüingtsüirontsü samona chiia kila,
 Zhükhü jüying sana ünchü na vana kha,
 Rantsüingotsi shae janta tsotasi,
 Ete etho na ünsajancho limha vara kila,
 Ti nungra le e-lendangro.”*

- (i) Echü nochonori ji jo ntio-ntio thera esüa to phyochola? 1
- (ii) Khenro shilo nchüo tsütsae lan jiang jo nlio la, osi echüo tsütsaelan jiang jo ntio la? 1+1=2
- (iii) Rantsüingotsi shae janta tsotasi to ephyo ji yichak jo ntiola? Osümi yentsalo wo ji jo khyingroi ji alo loroe ji la? 1+1=2

22. a. Ntio tsükona ngaro jina echüi etsoyu jiang üntsoyucho sana osi echüli vandamvü jina ngaro ji pvü opo thüngi kvüto oyi yencho sana erana.

Mekana

5

b. Chüngiyi “Wokha yantsüro” ji yintssen ji erana.
